

疆域攷下



卒本考

國內考

九都考

尉禮考

漢城考

八道沿革總叙上

八道沿革總叙下

渭水辨

白山譜



我邦疆域考卷第八

列水 丁鏞 述

卒本考

卒本者四夫餘之一即高勾麗建國之初基也

百濟史云朱蒙自北夫餘逃難至卒本夫餘亦國名

夫餘王無子見朱蒙以女妻之未幾夫餘卒本薨

朱蒙嗣位是為高勾麗出溫祿本紀鏞案夫餘有四其

一曰北夫餘今開其故地即後漢書魏志晉書皆有本

傳勾麗百濟之史具詳事實今不復著但魏收魏



書謂朱蒙曾孫莫來之時

勾麗慕本王

乃征夫餘遂得

統屬北史隋書並從之若然北夫餘之統于勾麗

在漢光武建武末年也

建武二十四年慕本王即位

然後漢書

云獻帝時北夫餘王求屬玄菟魏志云正始中毋

丘儉討勾麗夫餘王供其軍糧晉書云武帝太康

六年慕容廆襲破夫餘其王依慮自殺帝下詔求

其遺類使之復國據此二史知魏史之說妄也據

金富軾勾麗史云文咨明王三年

齊蕭鸞元年

夫餘王

以國來降厥明年遣使朝魏偽云夫餘為勿吉

北使



亦云正始中宣武引見勾麗使芮悉弗其北夫餘言曰黃金出夫餘今夫餘為勿吉所逐

之止在拓拔魏景明四年無疑也其二曰東夫餘

勾麗史云北夫餘王解夫妻徙居迦葉原國號東

夫餘

已見叢  
貊考

迦葉原者我邦之江陵也洪萬宗謂

東夫餘在鴨綠水邊謬悠之言也其三曰卒本夫

餘即勾麗之始基也其四曰泗泚夫餘亦謂之南

夫餘今百濟故都扶餘縣即其地也○又按後漢

書魏略並云北夫餘始祖名曰東明有異氣承牢

魚鼈成橋之說

晉書無  
此言

魏書北史並以此為勾麗



始祖朱蒙之事有日影犬豕魚鼈成橋之說金富  
軾亦從北史載之朱蒙本記並以朱蒙名曰東明  
自此以降撰東史者例以勾麗始祖朱蒙號曰東  
明王余謂此大謬也北夫餘始祖東明王原自北  
狄索離國避難至夫餘詭為神怪之說以誑愚俗  
北夫餘既亡句麗之人認為聖瑞陰竊其語並纂  
東明之名以誇中國之人中國撰史者依其所言  
載之史冊雖其荒唐之言不足多辨至於東明二  
字明是北夫餘始祖之名與朱蒙無涉也



卒本故地在今興京界內魏書所謂紇升骨城是也

魏書句麗傳云朱蒙自扶餘東南走遇一大水魚

鼈成橋得渡遂至普述水遇見三人與至紇升骨

城遂居焉諦曰高句麗

北史同

○句麗史云朱蒙行

至卒本觀其土壤肥美山河險固結廬於沸流水

上居之國號高句麗○金富軾云卒本者蓋漢玄

菟郡之界大遼國東京之西漢志所謂玄菟屬縣

高句麗是歟○鏞案卒本故地要在今開原縣之

東南涉二水之處

開原古扶餘

今按開原縣南十餘里



有清河卽占泥河之下流西入大遼河者也朱蒙  
始逃追騎在後則其所謂魚鼈成橋者今之清河  
水是也又其所謂普述水者旣渡清河東南步近  
二百里至尖頂山北有一河中橫卽今渾河之上  
流納綠河之下流也其所謂沸流水者今興京之  
北五河合流繞興京而西南又北流為蘓子河西  
入渾河者是也五河相近不知何者為沸流要之  
卒本者今興京之北隔水之地不可以他求也○  
又按高句麗縣本是真番部落漢昭帝時移玄菟



郡於今興京界內

詳見玄菟考

高句麗縣遂為玄菟屬

縣吾所謂北玄菟也其後又徙玄菟於遼陽之西而句麗縣不與隨遷吾所謂西玄菟也金富軾以卒本為漢志所謂句麗縣則是矣其以玄菟謂在大遼東京之西則大非也金以西玄菟認之為北玄菟何得無誤西玄菟本在北扶餘之西南諸史謂朱蒙自北扶餘東南行至卒本者又何解矣○又按朱蒙先得卒本至朱蒙之子琉璃王末年

王莽

時始進兵襲取漢高句麗縣始定國號曰高句麗



國卒本之於句麗雖不相遠亦非一城金台直以  
卒本為句麗亦誤矣

句麗之都卒本實不過四十年惟其始祖廟在焉

句麗史云琉璃王二十二年

漢平帝三年

遷都於國內

城○國祖王時王幸扶餘祀太后廟

即柳花之祠

新大

王時王如卒本祀始祖廟○鏞案新大王以後故

國川王東川王中川王故國原王安臧王平原王

榮留王

唐高祖之時

皆幸卒本祀始祖廟以此觀之終

句麗之世卒本為句麗之京邑如晉國之曲沃也



北史云句麗多淫祠有神廟二所一曰夫餘神  
刻木作婦人像一日高登神云是夫餘神之子

乃自鄭麟趾之史忽以今成川謂之沸流其後竟以  
成川謂之卒本

句麗史云朱蒙廬於沸流水上居之見菜葉流下  
知有人在上流尋至沸流國其國王松讓出見與  
之鬪節二年松讓以國來降以其地為多勿都封

松讓為主

琉璃王納多勿侯  
松讓之女為妃

○鄭麟趾地志云成

州本沸流王松讓之故都高麗顯宗九年改今名

別號松讓

成廟所定

有溫泉○輿地勝覽云成川府本



沸流王松讓舊都高句麗始祖東明王自北扶餘  
來都卒本川松讓以其國降又云紇骨山在成川  
府西北二里有十二峯又云沸流江在成川府西

北此江即卒本川也歷紇骨山入于大同江紇  
骨山下有四石穴水入穴中沸騰西出故名○

鏞案鄭史之紕謬指不勝屈此尤其甚者也大抵  
句麗之跡起於扶餘南渡為卒本又南為國內九  
都又南為平壤其勢有進而无退若如鄭說先都  
成川密近平壤忽又北遷邑于句麗殆三百年始  
乃南遷得都平壤有是理乎金富軾明以卒本謂



在玄菟忽於數百年之後別初無根之說可乎

今詳沸流諸文其說立破不難辨也

魏志云伯固

新大王大

死有二子長子拔奇詣康

公孫康

還住沸流水

本據卒

小子仲夷模

山上王

更作新國今

日所在是也

謂九都

○鑄案公孫康時據遼東

今遼陽

則伯固二子之中必其附於康者居近遼之地其

惡於康者居遠遼之地也卒本西接遼陽故拔奇

藉公孫之勢以居卒本

今興京界內

九都東窮鴨綠

我江

界隔水之地

故仲夷模避公孫之鋒以居九都於理宜



然若如鄭說則仲夷模居於九都猶近遼東拔音  
居於成川與遼陽絕豈理也哉若使拔音果在成  
川仲夷模執而殺之如瓮中捉鼈又安得外交遼  
首內攻其國哉沸流之非成川誠確然矣

魏志云正始五年毋丘儉出玄菟

西玄菟

討句麗句

麗王宮進軍沸流水上大戰梁口宮敗走儉遂東

馬縣車以登九都

北史亦云

（鑄案毋丘儉自西玄菟

東出石城山下不過二百里便至今興京又東走  
四百餘里可至我江界之北魏志所謂戰於沸流



追至九都者此之謂也若如鄭說毋丘儉既涉鴨  
水穿到平壤戰於成川又追至江界之北豈理也  
哉成川在平壤之東百餘里亂山之中毋丘儉自  
西驅來而句麗王東至成川則此退軍也非進軍  
魏志謂進軍於沸流水上又何解也沸流之非成  
川誠確然矣

句麗史云太武神王四年

宋蒙孫

出師將伐扶餘至

沸流水上得寶

王莽時

鑄案琉璃王時已遷都國

內

尉那巖

國內城者我楚山隔水之地也

詳見國內考

自



楚山出師將伐北扶餘者次於興京可乎次於成  
川可乎成川在楚山之南五百餘里北扶餘在楚  
山西北六百餘里欲伐扶餘而踞由成川必无是  
事沸流之非成川誠確然矣○總之沸流者以京  
邑而兼障禦之地也故句麗大臣仇道逸求焚朮  
等三人為沸流部長太武十五年 皐衣陽神為沸流守  
臣國祖十年 八國相陰友為沸流沛者中川王七年 沸流者  
晋室之丹陽也成川何得如是又美川王乙弗微時在沸流河邊為

人傭任羣臣往迎之



國內考

國內城者句麗三京之一卽自卒本始徙之地也

北史云高句麗王都平壤城其外復有國內城及

漢城其國中呼為三京○句麗史云琉璃王二十

一年

漢平帝二年

春三月郊丞逸

句麗時郊天

掌牲薛支逐

之至國內尉那巖得之反見王曰臣逐豕至尉那

巖見其山水深險地宜五穀王若移都民利無窮

九月王如國內觀地勢越明年冬十月王遷都國

內等尉那巖城

一作尉那城

○鏞案東人以州縣之治



謂之邑內此云國內亦此語法也

其地在今楚山府北隔江之地西北距九都城宜不  
過二百餘里

金富軾地理志云李勣置州縣目錄云鴨綠以北  
已降城十一其一國內城從平壤至此十七驛但  
未詳其為何所耳○鑛案唐制三十里爲一驛故

白居易詩云從陝至東京山低路漸平風光四百  
里車馬十三程唐書百官志云凡三十里有驛

後唐

輿服志云驛馬  
三十里一置

則十七驛者五百一十里也自平



壤距楚山鴨綠江為五百里則國內城在鴨綠江北不遠之地可知也

通典云馬訾水一名鴨綠水源出白山經國內城南又西與一水合即鹽難水也二水合流西南至

安平城入海

唐書高麗傳亦云

○通志云佟家江即古鹽

難水源出長白山之分水嶺南與鴨綠江會行五

百餘里繞鳳凰城東南入海

安鼎福云佟家江明是鹽難水

○鏞

案鹽難水既是佟家江則國內城明在鴨水佟家江未合之前其在楚山府北隅江之地不既明乎



乃金氏撰史忽以國內為不而故城

括地志云不耐城卽國內城也城累石為之○金  
富軾云國內城或云不而城漢書樂浪郡屬縣有  
不而○鏞案國內城始因掌牲薛支乃破天荒安  
得為武帝之故城乎不而城本在薛罕嶺之東玄  
菟徙郡之時亦不隨遷安得鴨水之北乃有此城  
乎括地志以不耐為國內者方言不耐府內其聲  
相同而凡州縣之治或稱邑內或稱府內彼誤聞  
此音錯記如是也



至我輿地之書又以鴨綠之南麟州故城疑之為國內城

三國史略云國內城今義州

河崙權近等撰

輿地勝覽

云義州有國內城又云今按高麗史地理志麟州有長城基德宗朝柳韶所等起自州之鴨綠江入海處又兵志起自西海濱古國內城界鴨綠江入海處則國內城當在古麟州境內金富軾高句麗地志云國內城未詳的在何處當在鴨綠以北漢玄菟郡之界遼東京遼陽之東未詳孰是○鑄案



麟州者今義州之麟山堡也李勣奏文國內城明  
在鴨水之北今麟山堡明在河南安得以此當之  
乎况通典鴨水經國內城乃與佟江合流而今麟  
山堡在鴨水入海之口其說之謬可立破矣

句麗史云太武神王十一年

漢建武四年

漢遼東太守

圍尉那巖城數旬不解乙豆智

左輔也

曰漢人謂我

巖石之地无水泉以待吾人之困宜取池中鯉魚  
包以水草致犒漢軍王從之於是漢將謂城內有  
水不可猝拔遂引退心鑛案據此知國內城在巖



石之地今麟山堡

古麟州

在平原沙草之地豈得為

巖邑乎○又按金富軾謂九都山與國內城相接

史句麗謂九都國內皆在鴨水之北其壤地相連也

若麟州則隔水矣

近世東儒又任指遼遠之處疑其為國內城

文獻備考俞榮曰兀刺山城即古尉那巖城

輿地勝覽

云自楚山之史土口子北渡則鴨綠婆豬二江大野之中有城名兀刺山城距楚山二百七十里四面壁立惟西可上高麗恭愍王欲絕北元以我太祖為東北面元帥擊東寧府同知李兀魯帖木兒聞太祖是城○安鼎福云按漢音兀刺與尉那同



俞言近是○鑪案兀刺城在鴨水之北二百七十里則通典唐書謂鴨綠水經國內城南可乎國內城明在鴨河邊臨水之地尉那兀刺音雖相近恐與通典不合也

星湖僊說云國內城分明在鴨綠之西近於今義州者○朴趾源熱河日記云渡鴨江卽向九連城舉目四望山明水清或云句麗時常都此所謂國內城也○鑪案國內城本在深林巨谷幽險之地而九連城山明水清安得以道聽塗說指之為國



內乎

句麗之都國內城實不過二百七年而金氏之史又有謬說

金富軾地志云自朱蒙立都紇升骨城歷四十年

孺留王

二十一年

移都國內城○又云都國內歷四百

二十五年長壽王

五十年

移都平壤○鏞案山上王

十三年自國內城移都九都城

蒲浦北隔水之地

歷三十

九年至東川王二十一年始築平壤城移其廟社

尋亦移居歷九十六年至故國原王十二年還移



九都城甫二年又還平壤之東黃城歷八十五年  
至長壽王十五年又移平壤城蓋自山上王十三  
年以後句麗之都或在九都或在平壤而實未嘗  
復都國內乃金太師親作國史而考檢疏略致使  
句麗之年代國都荒昧不明可勝歎哉

句麗垂亡國內城猶為句麗之大都為精兵所蔽

唐書云貞觀十九年帝討高麗李勣圍遼東城高

麗發新城國內城騎四萬救遼東

句麗史亦云

○又云

乾封元年蓋蘇文死子男生據國內城遣子獻誠



入朝

句麗史亦云

○鏞案新城者句麗之西鄙也在今

遼陽之西自此而東則可攻卒本自此而南則可抵金州故李世勣之滅句麗也先拔新城以至夫餘薛仁貴之拔南蘓也先救新城乃戰金山斯可知也

九都考

安市附

九都者句麗之暫都也山上王兄弟不睦始營此城

魏志云伯固死

王大新王

有二子長子拔奇不肖國人

共立仲夷模為王

山上王

拔奇詣康降

公孫康

還住沸



流水伸夷模更作新國今日所在是也

即九都

心句

麗史云山上王二年

漢獻帝建安三年

春築九都城十三

年冬王移都九都○鏞案前此國祖王九十年

漢順

帝晚年

九都地震史特書之其有城邑久矣山上王

意欲移都故新築大城也

其地在今蒲浦堡北鴨綠江隔水之地高山之上

唐書地理志云登州東北海行

節

自鴨綠江口舟

行百餘里乃小舫泝流東北三十里至泊沟口得  
渤海之境又泝流五百里至九都縣城故高麗王



都○鑪案自鴨綠江口舟行百餘里者今義州之  
玉江堡也又自玉江乘小舫東北泝五百三十里  
者今江界之蒲浦堡也蒲浦北崑為卒本之巽方  
今興京東南四百餘里之地也今佟家江之東有  
歪頭礮子紅石礮子

即珠魯木克  
善峯之來脉

二山所謂九都

靺在紅石之山頂也

又詳  
下

魏志云高句麗王都在九都山下

南史  
同

○一統志

云九都山在朝鮮國城東北漢時高句麗王伊夷  
模都此至晉為慕容皝所敗○鑪案伊夷模之謚



曰山上王以其都於高山之上也故毋丘儉東馬  
懸車以登九都令云國都在山下非矣○又按九  
都城在平壤城東北八百餘里一統志亦誤

魏志云正始五年幽州刺史毋丘儉出玄菟討句

麗東馬懸車以登九都屠句麗所都六年復征之

宮遂奔買溝

東川王奔北沃沮

儉遣玄菟太守王頎追之

過沃沮

謂過咸興地

千有餘里

今六鎮

至肅慎南界

至豆滿江

上

刻石紀功刊九都之山銘不耐之城○北史云

宮敗走儉追至頎峴

即紅磧子

東馬懸車登九都山



○句麗史云毋丘儉來侵王奔鴨綠原今滿浦又奔

南沃沮

興向咸

至于竹嶺

嶺薛罕

逃至海濱

興至咸

○鏞

案東川王之東奔也踰鴨水歷江界穿薛罕嶺到

咸興府又折而北走至豆滿江邊此所謂過沃沮

千餘里至肅慎南界者也九都城之在江界之北

審矣賴覓者今之紅石礮子也蓋此九都之地左

據鴨水右阻婆豬

江佟家

背負太山

白頭山西麓

二水交

衿于前畿誠四塞之地也

句麗并都九都皆被屠滅故不能久居



句麗史云東川王二十一年

魏王芳正始八年

王以九都

城經亂不可復都等平壤城移民及廟社○故國

原王十二年

晉成帝末年

春修葺九都城秋移居九都

城冬燕王皝毀九都城○十三年秋移居平壤東

黃城○鑛案東川王旣等平壤城先移廟社後遂

移都

史不書

故至故國原王十二年還都九都而乃

謂之移居九都也金富軾地理志謂長壽王十五

年移都平壤其疏略如此

晉書云慕容翰請於燕王皝伐高句麗

句麗有二道北道平



閼南道險狹衆欲從北道翰曰虜必重北而輕南  
王宜帥銳兵從南道擊之出其不意九都不足取  
也別遣偏師出北道縱有蹉跌其腹心已潰四支  
無能為也就從之自將勁兵四萬出南道別遣長  
史王寓等出北道其王劉黑闥遣弟武帥精兵拒北  
道自帥羸兵脩南道翰等先至與劉合戰就以大  
衆絀之高句麗大敗就遂發劉父墓載其尸虜男  
諸軍乘勝遂入九都  
女五萬餘口毀九都城而還○北史云魏建國四  
年慕容皝伐高麗入自南陝戰于木底在遼東大破  
劉軍追至九都毀九都城而還句麗史云皝入九都王卑騎走入新  
熊谷追獲王母周氏及王妃發美川王墓○鏞案  
載其尸収其府庫累世之寶毀九都城  
南道者謂自遼東直南趨鳳凰城今之燕京路乃折而



東可攻九都也北道者謂自遼東直東走卒本南

今興京之南

乃折而南可攻九都也南道有石門嶺磨

天嶺皆險狹不平又自鳳凰城東至九都六百餘里山川絕險此所謂南道險狹也北道自太子河北泝其水源東南由今之鯤廠門乃東涉佟家江以抵九都道踞平順亦且徑捷此所謂北道平闊也中國之攻我平壤亦此二踞太宗之頓兵安市者由南道將涉龍灣也及夫高宗之時李世勣直拔扶餘城南舉辱夷者由北道直犯昌城也丁卯



丙子之年清師亦自北道來故疾如風雨則西北  
關防之脩宜先致力於昌城朔州後留意於義州  
龍川而談兵者但知龍灣不亦踈乎○又按唐書  
乾封三年薛仁貴拔南蘓木底蒼巖三城引兵略  
地與勣會于鴨綠則木底等三城皆遼東地也○

句麗史云陽原王十三年

陳高祖元年

九都城干

城主也

朱理叛伏誅

前此九都進嘉禾

○鏞案長壽王十五年大

移平壤之後九都遂為廢京朱理其留守也

九都之在我蒲浦之北確然無疑而金氏之史忽以



安市為九都

金富軾云安市城一名九都城。鋪案苟如是也。

毋丘儉之來侵也。東川王當逆戰於楊柳河邊。在今

南海城何以逆戰於沸流水上乎九都非安市也何

況句麗之得遼東在於陳隋之際安得漢獻帝之

時已都安市乎九都非安市也

安市者遼東之古縣也。在今蓋平縣東北七十里。

漢書地理志遼東屬縣有安市。又望平自注云大遼水出塞外南至

安市入海行千二百里水經云大遼水出塞外衛白平



山東南入塞過遼東襄平縣西又東過安市縣西

南入海

十三州志云大遼水自塞西南至安市入於海

○一統志云安市

廢縣在盖州衛東北七十里漢置唐太宗征高麗

攻之不克薛仁貴白衣登城卽此渤海置鐵州金

改為湯池縣屬盖州元省

見遼東都司

○鏞案唐太宗

親征句麗與李勣論兵令詳其文盖牟城在安市

之西南建安城在安市之南烏骨城在安市之東

狹谷在安市之北駐蹕山在安市相望之地其城

又依山為險故曰城險而兵精

李勣云

又其城必西



北高而東南低故李道宗之築土山乃自城東南

隅也

高宗時高侃破餘衆於安市城。

乃今盛京之續志及我輿地之舊說忽又異說棼興

盛京續志云遼陽東北間有安市故城○輿地勝

覽云安市城在烏石山

在龍岡縣

險固無比石等

周一萬二

千五百八十尺

內有軍倉世以此城為唐太宗親征不下

者

又有陳嘉猷詩

又云以此為安市者非是陳嘉猷亦因

國人之言而為詩耳○僊說云古之方言謂鳳為

阿市安市者今之鳳凰城也○鑪案三說皆誤也



安市一而已蓋平東豈有五哉昔我健陵親策地

理曰安市有三此蓋以漢縣為一尤都為二龍岡為三也豈啻安市遂至四五乎

### 慰禮考

慰禮城者百濟始祖首都之地其故址在今漢陽城

東北百濟史云溫祚王八年

漢成帝元延二年

靺鞨賊三

千來圍慰禮城王閉城門不出經旬賊糧盡而歸

王簡銳卒追及大斧峴

疑在今平康

一戰克之○鏞案

此時靺鞨樂浪歲歲侵寇以其慰禮城在漢水之



此與二寇密接故也此云韎韐者咸興之歲人也

詳見韎韐考

樂浪者春川之上首也

見樂浪別考

慰禮之在

漢陽東北審矣其謂之慰禮者方言凡匡郭之四圍者謂之圍哩慰禮圍哩聲相近也樹柵等土以作匡郭故謂之慰禮也

溫祚王十三年徙都漢水之南即今之廣州古邑也當時謂之河南慰禮城

百濟史云溫祚王十三年

漢哀帝元年

夏五月王謂臣

下曰國家東有樂浪北有韎韐侵軼疆境少有寧



日勢不自安必將遷國予昨出巡觀漢水之南土

壤膏腴宜都於彼以畝久安秋七月就漢山下立

柵移慰禮城民戶八月遣使馬韓

今益山

告遷都

遂

遼疆城北至涇河南限熊川西窮大海東極走壤。走壤在春川

九月立城闕

鏞案溫祚當明自漢北移於漢南

漢水即洌水

即慰禮

城之本在漢北確然無疑又百濟古史每以漢陽

為北漢山郡北漢山者對南漢山而立名也即慰

禮城之與漢陽密接確然無疑特以本紀初年有

河南慰禮城一語故後之人遂求慰禮城於漢水



之南所以轉輾迷晦而終不能有所指的也○又

按西漢之制洌水以北屬樂浪南部以其本朝鮮

之地也洌水以南屬馬韓總王以其本韓國之地

也故史謂百濟始立國于帶方故地

公孫氏分樂浪南部

為帶方郡

此指河北之慰禮也及都漢南溫祚王必告

馬韓以其洌水以南本隸馬韓也久遠之事雖若

荒昧歷考古文皆有確證不可誣也

百濟史云

溫祚王元年

沸流

溫作元

溫祚與十臣南行渡

須帶二水遂至漢山

已上漢成帝鴻嘉三年事

登負兜嶽

三角山



望可居之地沸流欲居海濱十臣諫曰惟此河南  
之地北帶漢水東據高岳南望沃澤西阻大海其  
天儉地利難得之勢作都於斯不亦宜乎沸流不  
聽分其民歸彌鄒忽

今仁川

以居之溫祚都河南慰

禮城

沸流以彌鄒土溫水鹹不得安居歸見慰禮  
都邑鼎定人民安恭遂慙悔而死其臣民皆

歸於慰禮

○金富軾云慰禮城今未詳○鏞案登嶽以

下乃溫祚王十三年事史臣追記其建國立都之  
本故遂以載之於元年也慰禮城者明在漢水北

即漢陽故郡

其云河南慰禮城者以其移慰禮之民戶



故冒故名而不改也據溫祚以鴻嘉三年至漢山  
則其與沸流分居當在十餘年之後豈有兄弟二  
人跋涉千里遠托異域而爰止之年便即分離哉  
其始也兄弟並力等慰禮城以居之至其十有三  
年北困於韃韜東敗於樂浪思有以涉漢水而居  
其南以避二寇之隳突蓋以慰禮在漢水之北與  
二寇連陸故必欲移都於水南也

樂浪今春川

沸流貪

魚鹽之利而取仁川

彌鄒忽

溫祚覽閔防之固而取

漢南

今廣州古邑

於是移慰禮之民以實漢南之柵仍



又名之曰河南慰禮城後之人追記事槩遂以十

三年之事載之於元年也如云不然溫祚王八年

韎韜圍慰禮城又何解也○又按東據高岳者黔

丹山也

在古邑之東

西阻大海者幸州口也

洌水入南海處

望沃澤者屯骨堤也

古余王九年命國人開稻田於南澤

北帶漢水

者斗尾江也

度迷津

溫祚舊宮本在廣州之古邑謂

之宮村居民業種甘瓜此則河南之慰禮也溫祚

元年既已定都於此則至於十三年之夏又何云

予觀漢水之南土壤宜都乎元年所定之都其在



漢北明甚而登負兒望河南明是十三年之事也  
○又按慰禮城明在負兒嶽之下故其登高望遠  
亦在此山也慰禮城豈可他求哉

南慰禮雖已成都北慰禮益復修營當時蓋以為南  
北二京

百濟史云溫祚王十七年

漢哀帝元壽元年

春樂浪來侵

焚慰禮城

二十七年夏馬韓二城降移其民於漢山之北

○四十一年

漢更

始元

春二月發漢水東北諸部落人年十五歲以

上修營慰禮城

鑄案漢水東北部落者今楊州



平丘龍津兔院等地也慰禮城之在今漢陽城東

也既不既明乎

溫祚王在位四十六年卒

溫祚王既卒之百十年百濟始作北漢山城即今之京城北坊也慰禮在北新城在南當時蓋以為北城南城

百濟史云蓋婁王五年

漢順帝七年

春二月築北漢山

城○責稽王元年

晉武帝太康七年

冬徵發丁夫葺慰禮

城○鑪案知北漢山城非慰禮城者書築書葺筆

法精嚴也知當時以為北城南城者下至蓋鹵王



時句麗來圍漢城先拔北城移攻南城明漢城之  
中有南北二城也

詳見漢城考

知慰禮在北新城在南

者當時北漢山城為王居所在而蓋鹵王出走之  
時書之曰移攻南城王乃出逃明慰禮在北新城  
南也○又按北漢山城者謂依漢北之山而為城  
非謂其城在山上也今之北漢山城乃康熙年間  
所築在三角山上非百濟之古城也

北慰禮故址蓋在今京城東北十里之地三角山之  
東麓居民誤謂之漢陽古縣



金富軾地志云漢陽郡本高句麗北漢山郡○鏞

案漢陽古縣即今京城北坊漢陽洞是也

詳見漢城考

惠化門外未十里有古城遺痕居民指之為漢陽古縣者豈非慰禮城之古址乎當時皆樹柵而築土故今有痕而無石也

乃鄭麟趾地理志云忽以今稷山縣指之為慰禮城嗣此輿地之書遂作不刊之典則踞傍殘縣儼冒京邑之名

鄭志云稷山縣本慰禮城百濟始祖溫祚王開國



建都後高句麗取之改為蛇山縣新羅因之興  
地勝覽云稷山縣本慰禮城百濟溫祚王自卒本  
扶餘南奔開國建都于此後高句麗取之為蛇山

縣

又云慰禮城  
在聖居山

又云世祖十一年立溫祚廟于縣東

○鏞案單戶酸儒每譏館閣大臣著書不核良有  
以也富貴醺酣職務倥傯又惡能左執圭經右閱  
書史徐察其條理哉即三國史一通不曾披見他  
尚何說溫祚王渡湏帶二水以都慰禮稷山之北  
惟湏帶二水乎溫祚王發漢水東北之民以修慰



禮稷山在漢水之東北乎溫祚王避韎韐樂浪徙  
都漢南稷山其與韎韐樂浪鄰乎北史隋書明云  
百濟始立國於帶方故地稷山豈亦帶方故地乎  
若從稷山之說古今史冊所記悉差悉舛其將執  
一而廢百乎必無是理

徐居正稷山縣濟源樓詩序曰奉使嶺南也道于  
稷稷之宕館東也隅有一樓登臨小憇問主人曰  
樓之名謂何主人不知問諸左右邑人曰濟源坐  
宕不知濟源之義居正曰此邑百濟氏之故都其



曰濟源者得不以百濟之源源於是乎蓋百濟始祖溫祚者本高句麗東明王朱蒙之子逃難南韓史書溫祚登負兒岳相其可居之地而都于河南之慰禮城世傳為稷山居正常以負兒岳距此可二百里安能相其可居者乎且所謂何者指河水乎居正道過此非一再而因行迫未暇一入矣望見地勢褊狹無磅礴扶輿之氣非建都之地也心竊自疑去年撰三國史節要歷考諸書稷之為百濟始都無疑矣溫王之後自稷遷南漢山城即今



之廣州也又遷北漢山城即今漢都也後徙錦江  
即今之公州也又徙泗北河即今之扶餘也○鏞  
案虞初諾臯野人之說古亦有之未有甚於徐公  
之此序也寔館東北隅之一小樓本可无名故當  
時仍无題榜即濟源二字原是塗聽假使金石遺  
文舊有傳授執此二字命之曰百濟古都太武斷  
也若然錦山之濟源驛獨不得為百濟之舊都乎  
二百里外山川土壤不可望而知之則登兒岳而  
相稷山又何說也其所以定為慰禮无他證據惟



三國史是憑也今考三國史明自漢北移於漢南  
徐公何曾夢見北史乎○又按鄭徐所記固為謬  
戾但其古老相傳之言必有根脉不可一歸之於  
虛妄也據百濟史蓋鹵王知有句麗之亂先遣太

子文周使之南奔及蓋鹵遇害文周徙都熊津詳見

漢城稷山者文周王暫駐之地也蓋自漢城南距

熊津今公州稷山居中暫駐此縣北探舊都之消息

南管新都之事務於理似然也其謂之慰禮城者當時方言凡等土

樹柵以作匡郭者通謂之圍哩慰禮者圍哩也



我邦疆域考卷第九

洑水 丁鏞述

漢城考

漢城者百濟蓋婁王之所開荒也令我京城之漢陽洞卽其故址

百濟史云蓋婁王五年

漢順帝七年

春二月築北漢山

城○北流王二十四年

東晉成帝二年

秋內臣佐平優福

據北漢城叛王發兵討之○鏞案前北溫祚王十四年築城於漢江西北分漢城民輿地勝覽以此



為漢城之始殆不然也百濟史漢城之傍有阿且  
城輿地勝覽漢江之上有長漢城溫祚王所築蓋此  
城也詳見下知者百濟史凡有事舊城曰修曰葺惟  
新起之城曰築某城漢城若為溫祚王之所築則  
不當曰蓋婁王築之也

金富軾地志云漢陽郡本高句麗北漢山郡○鄭  
麟趾地志云南京留守官楊州本高句麗北漢山  
郡一云南平壤城百濟近肖古王取之○輿地勝覽云漢

城府本高句麗北漢山郡百濟溫祚王取之築城



近肖古王自南漢山徙都焉

按三國史百濟近肖古王取高句麗南平

壤移都漢城今以本紀考之百濟始祖十四年自慰禮城遷都漢城等城漢江西北分漢城民三十

八年巡撫境內北至溟河則北漢山自溫祚王時已為百濟地近肖古王自南漢山移都耳何謂近

肖古王取之耶高麗史只據三國史而錄之不詳究其本末今辨而正之 ○ 鑄案金鄭

固誤輿覽尤謬猶云辨正不亦難乎溫祚王十四  
年句麗琉璃王末離卒本即鴨水以南末踐一步  
安得當時已置北漢山郡為溫祚王所奪乎此史  
家之笑話也漢陽雖本四郡之地其破天荒者百  
濟也至長壽王時始為句麗所焚乃金富軾以來



每以漢陽壓作句麗之舊物不亦謬乎○又按溫

祚王十四年所築漢江西之城乃百濟史所謂

阿且城

在今峨嵋山

非漢陽之古城也

又晉武帝太康七年百濟責稽

王慮句麗侵寇修阿且城

况溫祚王十三年遷都漢南今乃云

十四年遷都漢北天下有如是白撰乎

輿覽以稷山為慰禮

城此云十四年移都者謂自稷山移也

至近肖古王二十六年乃自漢南徙都漢城

百濟史云近肖古王二十六年

東晉簡文帝元年

冬王與

太子帥精兵三萬侵高句麗攻平壤城麗王力戰



拒之中流矢死王引軍退移都漢山○鏞案此云  
移都者自河南慰禮城北遷于漢陽也百濟始弱  
避寇南渡及其疆域既廣兵力既強反足以東侵  
新羅北困句麗於是乎渡漢水而據其北以號令  
四國也漢山者漢陽古邑也

金云今楊州舊墟

金富軾地理志云溫祚以漢鵠嘉三年癸卯自卒  
本扶餘至慰禮城立都補王歷三百八十九年至  
近肖古王

十三世

取高句麗南平壤

古記云取句麗南平壤

移

都漢城歷一百五年至文周王

二十二世

移都熊川

今公



州歷六十三年至聖王二十世移都所夫里國號南

扶餘

今扶餘

歷一百二十二年義慈王二十年蘓迄

方討平之○鑪案記事之踈謬舛錯未有甚於金

富軾此志也按百濟自溫祚王時已得泚河

大同河

之南凡定疆界撫飢荒皆至泚河之南卽今之遼

安谷山尚不得為高句麗之所有况漢陽之城是

百濟根本之地腹心之藏乃謂之本句麗之南平

壤可乎平壤原有東南二城東曰東黃城南曰長

安城古記之云南平壤謂平壤之南城也當時偶



陷其城遂云取之非真據之為京邑也據史百濟

之近肖古王與句麗之故國原王同時故國原王

十二年

晉成帝末

自平壤移居九都至明年復都東

黃彼時句麗以九都為北京以平壤為南京又何

提封遠及漢城耶近肖古王二十六年既攻平壤

又移都漢山此自是二事金富軾合作一事遂以

漢陽為句麗之南平壤迷昧驕駁莫此甚也百濟

何嘗取漢山於句麗句麗亦何嘗失平壤於百濟

哉此大夢也○又按百濟之都慰禮城實不過十



三年而金云都慰禮城三百八十九年者以溫祚

十三年立柵於漢南

今廣州宮城

移慰禮之民戶故亦

謂之河南慰禮城北所以古來傳記遂不分漢南

漢北通謂之慰禮城而金太師從而書之耳

近肖古王雖都漢城其後或居漢南或居漢北未嘗

一定而不動

百濟史云辰斯王八年

晉孝武太元十七年

句麗王談德來

攻北鄙王聞談德能用兵不得出拒漢水北諸部

落多沒焉

自近肖古王二十六年至辰斯王八年為二十二年

○又云阿莘



王四年

晉孝武末年

秋八月王伐高句麗冬王欲報須

水之役親帥兵七千人過漢水次於青木嶺下

魏松

岳會大雪迴軍至漢山城勞軍士

距談德之難四年

○鏞

案此二文知近肖古之後未嘗不還都漢南也此  
時王居漢南故漢水之北謂之北鄙况阿莘王若  
在漢北則其伐高麗豈可曰親帥兵過漢水乎其  
在漢水之南審矣金富軾謂移都漢城歷一百五  
年者不亦疏乎

至蓋鹵王末年句麗燒城殺兵而百濟南遷漢城為



百濟之舊京

距青木嶺回軍之  
歲為八十年

百濟史云蓋鹵王二十一年

宋廢帝三年秋九月麗王

巨璉

長壽王

帥兵三萬來圍王都漢城王閉城門不

能出戰麗人分兵四道夾攻又乘風縱火焚燒城  
門王領數十騎出門西走麗人追而害之○又云

高句麗對盧齊于

人姓名

冉曾桀婁

本百濟國人

古尔萬

年

冉曾古尔皆複姓

等帥兵來攻也城七日而拔之移攻

南城王出逃麗將桀婁等縛送於阿且城下戮之

○鑄案此云漢城者也漢城也知者南漢本無南



北二城又南漢之西即阻大江無緣出門西走也

又阿且城北城者慰禮也南城者北漢山城也詳見

慰禮阿莘王時明在南漢不知何年更都北漢也

○又按阿且城者長漢城也在峨嵋山上比溫祚王十

四年所築已見前輿地書以為新羅古城謬矣輿地勝覽

云漢城府有長漢城在漢江上新羅時置重鎮後為高句麗所據羅人舉兵復之作長漢城歌以紀

其功

其後五十餘年漢城及漢北州郡猶為百濟之物

百濟史云東城王四年齊高帝建元四年秋靺鞨襲破漢



山城虜三百餘戶以歸

南遷熊津後八年

○武寧王七年

梁天監六年

冬高句麗將高老與靺鞨謀攻漢城進屯

橫岳下王出師退之

三百戶虜歸後二十五年

○武寧王二十

三年

梁武帝普通四年

王幸漢城徵漢北州郡民等隻覘

城

橫岳退後十六年

○鏞案靺鞨來侵明是漢北况武寧

王明徵漢北州郡使之等城則洌水以北猶是百

濟之物未嘗為句麗有也

武寧王既卒後三十餘年漢城之事不見史冊或者

其間句麗暫得漢城旋復失之



北史云高句麗王都平壤城其外復有國內城及  
漢城其國中呼為三京○鏞案句麗之得漢城雖  
無正文據金富軾地理志今京畿之漢南漢北及  
忠清道東北十餘邑皆云本句麗之某邑鄭志亦  
然不應史志悉屬虛妄既得四圍之州郡只存中  
央之京邑無是理也大抵漢南北諸地其在三國  
之末便作喪墓之場朝得暮失東攘西奪而史冊  
所記又多踈漏今不可詳也至於北史所記或句  
麗之人於其暫得之時夸說於中國遂有三京之



名而句麗實未嘗來都亦不能久保其文不足信

也當以百濟史為正

前此元魏太祖七年句麗廣開土王取百濟之漢北諸郡

其後八十三年長壽王破北漢而百濟徙都熊津其間得失有同喪墓不可詳定

至新羅真興王之時漢城為新羅之所得

新羅史云真興王十六年

梁元帝末

冬十月王巡幸

北漢山拓定封疆

百濟威德王二年

○十八年置北漢山

州

二十九年廢北漢山州

○鏞案句麗既以漢城為南京宜

分置精兵以禦南鄰不知新羅何緣得之也真興之時兵力頗強并吞伽耶侵奪百濟其得漢城必



有大舉而史文都闕何以徵矣○又按前此真興  
王十二年新羅百濟同侵句麗乃百濟先破平壤  
新羅則居漆夫等但取竹嶺以外十郡丹陽忠此  
州等  
時漢城若為句麗所據則百濟雖有兵力將收復  
舊京之不暇何得遠攻平壤以此言之句麗之得  
漢城遂無其日北史所記何以處之且此時百濟  
兵力復強至於攻破平壤則又何不守其舊京不  
過數年之後赫赫漢城遂為新羅物哉此皆不可  
以理推也



其後句麗屢圖侵奪終不得志漢城竟屬新羅

新羅史云真平王二十五年隋文帝末秋高句麗侵

北漢山城百濟武王四年王親率兵一萬拒之句麗史云嬰陽王十

四年王遣將軍高勝攻新羅北漢山城羅王率兵過漢水城中鼓噪相應勝不克而還二十六

年還置北漢山州○鑪案真興末年雖廢其州不

棄其城故至是還以城為州也

新羅史云太宗王八年唐高宗龍朔元年句麗將軍惱音

信與靺鞨將軍生偕其姓名合軍來攻述州城今驪州

不克移攻北漢山城列砲車飛石所當障屋輒壞



城主冬陲川

新羅臣

禦之

使人擲鐵蒺藜於城外人馬不能行又為樓櫓結緹

網懸牛馬皮綿衣內設弩砲以守城忽有大星落於賊營賊解圍而去

○鏞案今人

或疑此漢山城在高山之上非也砲車飛石以壞

陣屋乃平地之所用鐵蒺藜結緹網非山城之所

設也漢山城者謂此漢山之城非此漢之山城也

○又按前此太宗王二年

唐永徽六年

句麗百濟連兵

侵新羅取此境三十三城唐書羅史兩載其說此信文也所謂三十三城本以百濟之地中為句麗所得竟為新羅所奪故句麗百濟合力而攻之也



以此推之三十三城必漢水南北之地所謂述川

王逢之等是也

王逢今幸州

景德王之時實名漢陽高麗之初改為楊州及至文宗陞為南京

鄭麟趾地志云景德王十四年

唐天寶末年

改為漢陽

郡○鑄案景德王以下金志鄭志及輿地勝覽并

無差誤今略之

其南漢城百濟之衰亦為句麗所得但無正文句麗既亡乃屬新羅



金富軾云句麗旣亡新羅得其南界置漢朔溟三  
州○鏞案漢州者今廣州古邑新羅文武王時於  
漢州東峯之上築日長城亦稱晝長城謂山勢據  
高早見日出晚見日入也我朝修之謂之南漢

山城遂徙廣州治于城內仁祖丙子避兵北城

厥明年因宰臣金尚憲奏命建溫祚祠於城中

其實溫祚舊都在漢山之下非北城也

文獻脩考以日長城

為溫祚故都謬矣

八道沿革總叙上



金富軾鄭麟趾等地志其八道沿革總叙皆純  
繆疎略今擬改正泝其源委起草如左其自景  
德王以下并略之以金鄭之志無誤也其稱臣

謹按者亦擬設之辭

叙事煩碎後人採  
用者宜刪正

京畿跨漢水南北其道本箕子朝鮮之南界至箕  
準南奔其地屬衛滿漢武帝元封三年滅右渠以其  
地為臨屯郡昭帝始元五年罷臨屯郡為樂浪南部  
漢書地理志所載列口吞列帶方含資屯有昭明之  
等卽其地也

昭明為南  
部郡尉治

至成帝鴻嘉三年百濟溫祚



王寓居於今漢陽城之東北名曰慰禮城溫祚十三年徙都漢南今之廣州古邑是也此時樂浪南部漢吏不來土酋承襲徙置於今之春川與百濟爭漢北之地數相侵伐其後高句麗侵樂浪滅之末幾光武中興建武二十年遣兵渡海伐樂浪取其地為郡縣薩水以南屬漢以北屬句麗薩水者今安州之清川也於是漢北之地復為樂浪南部至安帝陽嘉元年百濟蓋婁王筭北漢山城而樂浪諸部猶為漢吏所領質桓之際漢德漸衰不能遙領至獻帝初年公孫



度為遼東太守雄視東藩建安九年公孫康乃分樂浪南部屯有有鹽之等為帶方郡於是漢北諸郡悉屬帶方郡百濟城邑皆羈屬焉魏明帝景初二年司馬懿滅公孫氏樂浪帶方悉屬曹魏明帝密遣樂浪太守劉昕帶方太守鮮于嗣越海之二郡至正始五年劉茂弓遵代領二郡時百濟侵樂浪地劉茂大怒百濟還之此時二郡屬幽州至晉武帝咸寧二年二郡屬平州尋以土酋為王其後帶方寢弱與樂浪服屬新羅又數為句麗所侵其後慕容氏據平州東人



懾服慕容暉既亡之明年百濟近肖古王西攻句麗  
殺其王徙都北漢山城其後慕容垂雖復居燕地不  
能遙制元魏太祖登國七年句麗取百濟之漢北諸  
郡其後馮弘自立為燕王悉取樂浪帶方等郡至魏  
太武延和元年伐燕拔樂浪帶方徙其民數萬口於  
幽州是時句麗已都平壤樂浪故地皆屬句麗惟今  
京畿北道尚隸魏吏故魏孝文延興二年帶方太守  
與百濟王遣使朝魏越三年句麗攻北漢山城殺百  
濟蓋鹵王越明年百濟徙都熊津

今公州

然北漢山城



猶為百濟之京邑數被句麗侵伐至梁武帝大同四

年百濟徙都泗沘

今扶餘

此時北漢或為句麗所據但

史冊無文越十三年新羅遣居漆夫取句麗十郡此

時漢北之地復屬新羅故越四年

梁敬帝紹泰元年

新羅真

興王巡至北漢山城拓定封疆越二年置北漢山州

其後句麗屢侵北漢至唐高宗永徽六年句麗百濟

合攻新羅取北境十三城則漢水南北之地也旋

復失之越五年百濟亡又八年句麗亡漢北之地竟

為新羅所得○其南道本馬韓之地百濟溫祚王十



三年自漢北慰禮城徙都漢南

今廣州古邑

馬韓王割其

東北之地以與百濟漢水以南熊津以北皆屬百濟  
百濟之衰始徙熊津又徙泗水漢南州縣亦被句麗  
侵蝕又為新羅攘奪朝得暮失不可詳述百濟既亡  
句麗繼之其地皆入新羅

臣

謹按衛滿所役屬真番者今鴨水以北也辰國  
辰國為衛滿所役屬真番者今鴨水以北也辰國  
者今冽水以南三韓之地也鴨之南冽之北豈非  
箕氏之故地乎又百濟溫祚王立國於今漢陽而



北史謂立國於帶方故地則京畿北道之為帶方

故地審矣帶方者樂浪之南部也樂浪南部者武

帝之臨屯也

臣

故曰京畿北道本臨屯之故地也

黃海道本箕子朝鮮之地後屬衛滿武帝滅右渠以

其地為臨屯郡漢書地理志所載黏蟬海冥屯有昭

明之等即其地

黏蟬今延安白川

其後沿革之跡并與京畿

北道同蓋武帝四郡之時涇水以北為樂浪

大同江以北

以南為臨屯昭帝時以臨屯為樂浪南部故河平之

際王首據樂浪南部徙治春川明在涇水之南而仍



稱樂浪至王莽天鳳六年涓水以南今黃海之地數  
值飢荒其人北入句麗南投百濟曠為棄地故曰涓  
帶之間空無居人至建武二十年薩水以南復為漢  
郡此時樂浪太守當居涓北帶方縣治或在今延安  
白川之地也其後公孫康公屯有有鹽為帶方郡有  
鹽者今之延安也此時樂浪之治又徙涓南故至魏  
正始八年句麗東川王得都平壤也

此時劉茂弓導  
遠伐皇威撫定

東藩業攻句麗南襲百濟東伐嶺東之燕必不至坐  
失平壤以此推之樂浪之棄涓北而徙涓南厥惟久

矣

涓南沿海之地亦屬句麗惟遼安新溪谷山伊川



鐵原以至淮陽春川屬樂浪郡今延安白川及京畿  
北道屬帶方郡曹魏以後二郡之疆必當如是與始  
元建武之制大不同也晉咸寧二年樂浪帶方雖屬  
平州皆為土酋所據或睦百濟或服新羅西晉之末  
句麗數侵帶方蓋欲得黃海之地也至元魏登國之  
初黃海之地盡入句麗故句麗廣開土王元年  
年取漢北諸郡明黃海已入囊中也其後燕王馮弘  
越海取二郡至魏延和初魏伐燕徙樂浪帶方二郡  
之民於幽州其後黃海之地還屬句麗唯今京畿北

即登國七



道猶屬元魏故至魏孝文延興二年百濟王與帶方太守遣使朝魏明百濟帶方鄰比相依也越三年句麗長壽王燒止漢殺蓋鹵而百濟南徙熊津明魏吏不復來鎮而所謂帶方亦入句麗也句麗旣亡黃海之地亦隸安東都府未幾土豪芬起殺唐官人新羅又擅取涓南故咸亨二年唐兵到平壤南侵帶方至開元二十四年玄宗以涓江以南勅賜新羅其後景德王分置九州其西界極於涓南尺寸無所踰也

臣謹按百濟溫祚王十三年畫定疆域止至涓河



南限熊川其三十八年王之巡撫東至走壤北至

涓河北時水谷城

今新溪

十谷城

今山谷山

獐塞

今遼安

等

三縣皆被巡撫謂之北鄙又述肖古王二十六年

句麗舉兵南來而百濟伏兵於涓河上俟其來而

擊之

皆見百濟史

故東儒或疑黃海之地本屬百濟大

謬也漢魏以來涓水以南冽水以北每為中國之

所轄或屬公孫或屬慕容或屬馮弘或屬元魏首

尾六百餘年

自武帝元封三年至魏延興二年

或斷或續益無久

間之日句麗百濟安得以據有其地哉東儒每欲



以三韓三國了當八道之地總不免牽強窒礙失  
真爽實允撰輿地之書者宜於京畿黃海之地益  
採中國之史以補東文之闕臣今謫居海曲絕無  
書籍未免舉一而遺百也百濟史所謂北至涇河  
者當時道路原自今谷山伊川南由朔寧麻田涉  
七重河以達積城楊州其道里視今徑捷溫祚王  
當時偶由北路巡撫谷山等數縣句麗之南侵也  
亦由此路故近肖古之時伏兵於能成江上谷山  
謂之涇河也涇水之上流今也西自松京由金川平山



以達黃州至于涇河則黃海之中心也苟以今眼  
欲論古事若燕越之相遠也

平安道本箕子朝鮮之地至周末拓地寢廣西踰遼  
河燕遣將秦開攻朝鮮取其西鄙以滿潘汗為界所  
謂滿潘汗者遼東之三縣也

詳見朝鮮考

漢興盧綰為燕

王朝鮮彌失其西鄙以涇水為界涇水者今鴨綠河  
也尋為衛滿所據亦都平壤曰王儉城盡有箕氏之  
故地又擊真番使之服屬真番者今鴨水之北地也  
武帝元封三年既滅右渠以其地為四郡而鴨水以



南湏水以北

大同河

單大嶺以西為樂浪郡漢書地

理志所載朝鮮湏水誹邯鏤方遂城增地之等卽其所轄昭帝始元五年罷臨屯以為樂浪南部成帝初漸以土酋領樂浪徙居今春川與新羅百濟數相侵伐連年不息至平帝初句麗南都國內鴨水沿江之地漸入句麗句麗又南侵樂浪然樂浪猶為漢郡故王莽之末廉斯鑿得詣樂浪而降漢也光武建武六年省樂浪東部悉棄嶺東而樂浪本部及其南部猶是漢郡但據三國史其治明在春川也至建武八年



樂浪王崔理降于句麗建武十三年句麗竟滅樂浪

越七年光武遣兵渡海伐句麗還取樂浪復為郡縣

畫薩水為界

今安州清川

以南屬漢以北屬句麗其後百

餘年薩水以南長為漢郡句麗亦無侵奪至質帝時

句麗國祖王殺帶方令掠樂浪太守妻子其後漢德

漸衰至獻帝建安九年公孫康代父襲位始分樂浪

南部為帶方郡此時涓水以北逼近句麗樂浪之治

實在涓南又分其南部之南界以作帶方也至魏景

初二年司馬懿滅公孫淵平樂浪帶方明帝遣劉昕



鮮于嗣定樂浪帶方其後遣劉茂弓遵守樂浪帶方  
然其跡皆在涓水之南與今平安道無涉也故正始  
八年句麗儼都平壤而二郡莫之禁也自此以後涓  
水以北永屬句麗凡樂浪之跡皆冒舊名而已至晉  
成帝咸康之末句麗暫都凡都明年復還平壤平壤有  
二城東北曰東黃城西南曰長安城皆其都也唐高  
宗總章元年滅句麗以平壤為安東都護府不過二  
年句麗舊人收合殘民橫跨涓江殺唐官人卽咸亨  
二年也又新羅擅取涓南唐遣兵至平壤以伐帶方



越三年許以土酋為都督刺史徙安東都護府於遼東故城卽上元二年也越二年又徙新城至開元二年又徙平州彌與平壤遼絕至開元二十四年玄宗以涇江以南勅賜新羅其實涇江以北亦羈縻而已其治亂黜陟唐人未嘗問也先是睿宗末年封大祚榮為渤海王大氏設府於鴨水之原謂之西京鴨綠府領神豐桓正四州所謂神豐桓正者今鴨江內外東自虞芮慈城西至義州卽其地也薩水以南渤海亦所不管以故淪為賊藪亂無紀統新羅於涇水之



南為等長城三百里以備涓西之賊其雜亂可知也  
至唐昭宗光化元年弓裔取涓西諸城其後分定涓  
西十三鎮而平壤城主黔用翫城賊酋明貴等降於  
弓裔卒歸高麗終新羅之世未嘗得涓西之寸土也

臣謹按金富軾地志涓水以北一縣一城不少槩  
見蓋以句麗旣亡涓地淪為賊藪不隸唐家不屬  
新羅者數百餘年文籍蕩然憑驗無梯故城邑之  
名一無所著乃鄭志總叙猶云句麗旣滅其地遂  
入新羅不亦謬乎天寶以後中國多事平壤遼東



悉棄不顧唐遂以亡故通典唐書亦無明文遼東  
蓋入於契丹鴨水沿河之地入於渤海薩南須臾  
之地淪為賊藪不可諱也○又按成川非卒本龍  
岡無安市并有論著今略之

咸鏡道跨據磨天大嶺其北曰沃沮其南曰東沃  
沮東沃沮本箕子朝鮮之地箕子教以禮義田蠶又  
置八條之教其人終不相盜箕子之後四十餘世箕  
子補王燕齊趙人多歸之雜居東沃沮武帝滅右渠  
以其地為玄菟郡漢書地理志所載不而華麗蠶台



邪頭昧

句

前莫

句

夫祖等六縣卽玄菟之領縣今端

川以南咸興永興凡在嶺東之地也昭帝始元五年徙玄菟郡於真番之地卽今興京之接壤也以東沃沮六縣為樂浪東部更增沃沮一縣置都尉官以不耐縣為治而七縣之地南極江陵故曰凡在單大嶺以東者東沃沮穢貊悉屬樂浪東部也七縣之人屢侵百濟新羅而百濟新羅之史謬指為靺鞨其實非靺鞨也漢哀帝時東沃沮獻馬新羅光武初南沃沮納款百濟亦皆七縣之人也至建武六年罷都尉官



遂棄嶺東地封其酋長為縣侯令歲時詣樂浪朝獻  
蓋羈縻而已至建武中元之歲句麗滅東沃沮以為  
城邑自此七縣之租稅貂布魚鹽海物悉輸句麗至  
曹魏正始六年樂浪太守劉茂帶方太守弓遵伐嶺  
東濊不耐侯等降于二郡蓋以建武之制嶺東七縣  
本屬樂浪不當投託於句麗也終魏之世朝謁如法  
其後還屬句麗以其壤地僻遠慕容拓跋之世未嘗  
征討其地遂屬句麗惟鐵關以南德源安邊襄陽江  
陵之等自晉惠帝永康之初服屬新羅基臨王炤智



王每幸化列忽巡撫所謂化列忽者今之安邊也句  
麗既亡渤海繼興開元以後拓地寢廣以東沃沮故  
地為南京南海府領沃晴椒三州所謂沃晴椒者今  
咸興北青之等也其始也拓地南至襄陽遂薄新羅  
以泥河為界泥河者江陵之北泥川也其後新羅復  
得其地以鐵關為界故天寶十六年景德王改州郡  
之名而朔庭泉井皆入版籍朔庭者安邊也泉井者  
德源也至宋太宗淳化年間渤海喪亡咸州吉州之  
等皆為女真所據高麗睿宗二年命尹瓘征之○其



北道本北沃沮之地接肅慎南界名曰買溝婁荒遠  
未顯至漢成帝河平元年句麗伐北沃沮滅之以其  
地為城邑魏正始六年東川王為毋丘儉所逐一至  
其地至晉太康六年慕容氏伐北扶餘其王依慮自  
殺其子弟走保沃沮自此有穢貊之名以扶餘本穢  
貊也其地仍屬句麗句麗之亡未有所隸渤海之興  
以其地為東京龍原府領慶鹽穆賀四州所謂慶鹽  
穆賀者今豆滿河邊六鎮之地也渤海垂亡遂為女  
真所據高麗睿宗時尹瓘征之未復其疆至我 太



祖時始歸版籍

臣謹按野史云新羅真興王十六年巡至北道與句麗定界立碑其碑在咸興府北艸黃嶺下若然咸興永興亦嘗為新羅所得恐無是理真興王末年并廢北列忽州見於史志安得咸興為新羅地乎江原道本箕子朝鮮之地其地跨據金剛大嶺自嶺以東古稱溟州道自嶺以西古稱春州道嶺東之地南北八百餘里東北不過數十里本與東沃沮俱屬箕氏至漢景帝時北扶餘王解夫婁率其衆東徙迹



葉原迦葉原亦補河西良令之江陵是也扶餘本穢  
貊而其王徙都江陵故江陵冒穢貊之名也其地迫  
小舊服事朝鮮故亦事衛氏至武帝元朔元年歲君  
南閭等畔右渠率其衆詣遼東內屬武帝以其地為  
蒼海郡數年乃罷後二十年武帝滅右渠置四郡時  
江陵以北為玄菟屬縣始元五年徙玄菟於鴨水之  
北凡在嶺東者沃沮穢貊悉屬樂浪東部自是寢失  
箕子之遺風法禁多至六十餘條王莽之時江陵以  
南已服新羅建武六年省樂浪東部悉棄嶺東地於



是江陵以南遂屬新羅而華麗不耐連謀侵伐以江陵已北本當服屬於不耐也建武之末句麗滅東沃沮不耐蕞人悉屬句麗而江陵以南益附新羅故和帝永元十四年悉直國降于新羅悉直者今之三陟也順帝以後至于漢末不耐蕞人累侵江陵新羅史謂韃靼犯北境者皆是也曹魏之時句麗雖都平壤江陵仍屬新羅故晉惠帝永康元年新羅基臨王巡至安邊北列忽安邊以南尤可知也至元魏皇始二年新羅復何瑟羅之租調其後五十餘年句麗邊將偶



獵悉直為何瑟羅人所殺其隸新羅可知也至宋明

帝泰始四年句麗長壽王

五十六年

以靺鞨兵一萬攻取

新羅悉直城

今三陟

彼既以靺鞨兵攻之則路由歙谷

可知今之嶺東七邑襄陽江陵之等悉被蹂躪以至

三陟也然旋為新羅所復故其後十三年

齊高帝三年

新

羅炤智王世巡比列城

今安邊

比列以南尤可知也又

其後二十四年

梁武帝天監四年

新羅智證王復置悉直州

以異斯夫為軍主下逮句麗之亡句麗不復得嶺東

地也○嶺西之地又有南土之別自昭陽江以南古



辰國三韓之地也以北古箕子朝鮮之地也春川之

治舊在昭陽江北

今春川治在江南

古所謂牛首州漢武帝

始遣彭吳穿牛首州以作漢郡至滅右渠牛首屬于

臨屯始元合郡之後牛首屬樂浪南部故漢成帝河

平以後樂浪徙治牛首為土酋所據

或云樂浪南部本治昭明縣昭

明者昭陽也

其本臨屯之地可知也地本荒遠郡縣稀濶

今淮陽鐵原等嶺西諸邑悉屬牛首通稱樂浪不細

剖也樂浪或迎漢吏或奉土酋至百濟溫祚王時數

相侵伐至建武八年樂浪王崔理降于句麗後五年



竟為句麗所滅嶺西之地悉入句麗後七年光武遣  
兵越海伐樂浪復為漢郡縣於是馬韓蠶支等部落  
稍稍來降沃沮穢貊等縣侯四時朝謁悉詣樂浪其  
跡皆在今春川也漢德既衰樂浪寢弱沮水以上不  
能管理建安中公孫康又分南部之西南為帶方郡  
惟其東土尚為樂浪郡曹魏黃初之年牛頭州為新  
羅所得遣將忠宣守之至景初二年樂浪太守劉昕  
等越海定二郡牛首乃屬曹魏故正始八年樂浪部  
從事吳林割辰韓八國以屬樂浪所謂辰韓八國即



洌水以止本屬漢郡而後為新羅所據者也是時新羅懷忿止侵帶方為樂浪太守劉茂帶方太守弓遵所殘嶺西江止之地悉屬魏郡其後魏吏不來樂浪寢衰至晋惠帝永康之年嶺西又為新羅所得新羅基臨王巡到春川北至安邊而樂浪帶方服于新羅後四年樂浪太守遣刺客殺百濟王後九年句麗侵樂浪至元魏太武之時燕王馮弘依公孫康故事遙領樂浪帶方延和元年魏伐燕并拔樂浪帶方徙其民於幽州其後樂浪竟為句麗所滅嶺西之地悉入



句麗故魏孝文延興二年帶方太守與百濟王遣使  
朝魏有樂浪首丘之語也至唐貞觀十一年其地為  
新羅所得置牛首州永徽六年句麗百濟合攻新羅  
取北境三十三城其後十三年句麗亡後五年新羅  
以春川為首若州至景德王時改為朔州也其昭陽  
江以南史無明文姑從金鄭之志

臣謹按東儒皆以春川為貊國然歷考前史皆無  
春川為貊之驗或者西漢之末土酋東據之時貊  
人為首遂得貊名也又金富軾地志今江原之地



皆補本句麗之某邑惟春川為新羅善德王首置之州豈不謬哉嶺西之地本以漢郡先服句麗後屬新羅其後復為魏郡先服句麗後屬新羅金志乃據最晚之事以作源頭之跡亦已疎矣



卷之五  
 五言古詩  
 五言律詩  
 五言絕句  
 五言排律  
 五言長句  
 五言歌行  
 五言雜詩  
 五言雜歌  
 五言雜賦  
 五言雜文  
 五言雜記  
 五言雜序  
 五言雜論  
 五言雜說  
 五言雜議  
 五言雜疏  
 五言雜表  
 五言雜啓  
 五言雜牋  
 五言雜箋  
 五言雜啓  
 五言雜牋  
 五言雜箋



我邦疆域考卷第十

洌水 丁鏞述

八道沿革總叙下

忠清道本馬韓之地馬韓之始洌水以南青海以北  
小白智異大嶺之西皆其地也箕準南奔皆屬箕氏  
準旣滅絕馬韓舊人復立為王總領五十四國魏志  
所載爰襄國牟水國伯濟國今廣州目支國今益山之等  
皆隸焉至漢哀帝建平元年百濟溫祚王定都漢南  
馬韓王割洌水以南百里之地以與百濟其後十一



年王莽居攝初百濟取熊津以北立柵為界後二年百濟

滅馬韓盡有其地仍都漢南至元魏延興五年百濟

文周王徙都熊津至蕭梁大同四年又移泗水今扶餘

寢以襄微北自稷山鎮川東至清安槐山忠州之等

悉為句麗所得鵲川以東令清州報恩黃澗永同之

等悉為新羅所得惟內浦諸郡及熊津以南尚隸百

濟百濟以此設二京五府三十七郡二百城所都曰

居拔城今扶餘西都曰固麻城今保寧水營其五府北曰熊

津城今公州西曰刀先城疑在今沃溝海上南曰久知下城今金



溝東曰得安城李勣奏文云得安縣本中曰古沙城

詳今未唐顯慶五年蘓定方滅百濟設五都督府以統

之一曰熊津二曰馬韓今益三曰東明今未四曰金

連今金五曰德安今恩擢其酋豪使為官守惟熊津

得安在今忠清道之界內其餘皆全羅道之地也唐

兵既還新羅畧取其地詔劉仁軌發兵窮討上元二

年仁軌破新羅兵于七重城今積又以靺鞨兵浮海

畧南境忠清全詔以李謹行為安東鎮撫大使屯買

肖城今仁尋皆撤還百濟古地盡入新羅



臣謹按唐書百濟傳云貞觀十六年義慈王與句麗連和伐新羅取四十餘城其後又取七城其後又取十餘城永徽六年百濟句麗取新羅北境三十六城此皆今忠清京畿之地也然臣謂此中容有新羅誣訐且其與句麗合攻者罪冒百濟利歸句麗百濟版籍不復其舊故蘓定方設五都督府熊津東北之地不曾設一府也○又按金富軾地志以今丹陽清風堤川永春忠州槐山清安陰城鎮川稷山等十餘邑為本句麗之郡縣臣考其事



實蓋新羅善德王十一年

貞觀十六年

將伐百濟遣金

春秋請師於句麗句麗王曰竹嶺西北者即丹陽  
清風等十餘邑也此本馬韓之地馬韓之亡在王  
莽之時而句麗以曹魏之時始得平壤其間數百  
年竹嶺西北未必為無主之物此亦百濟之地而  
句麗取之其後為新羅所占金鄭之志乃遺本之  
論也○又按金志以今清州沃川青山報恩黃澗  
永同等六七邑為本新羅之郡縣臣考其實蓋  
新羅炤智王十六年

齊蕭鸞元年

將軍實竹等與句麗



戰於薩水之原不克退保犬牙城

句麗本紀同

其所謂

薩水者今清州之清川也清川本名薩買

古縣名方

言之譯也其云犬牙城者今永同黃澗之地也戰而不克則荆江以北已為句麗之所得故至真平

王時

唐貞觀二年

金庾信攻陷句麗之娘臂城娘臂城

者今之清州也然而金鄭之志惟清州等數郡不

言句麗反與其書例違也然此亦本馬韓之地而

百濟先得新羅次之故鄭志亦曰清州本百濟之

上黨郡他邑悉宜然也

通典云新羅之西北界犬牙出高麗百濟之間正指



此黃澗青山  
清州等邑

全羅道本馬韓之地馬韓五十四國其在今益山者  
為總王箕準南奔諸國皆屬旋即滅絕馬韓人復立  
為王其後百濟盡有其地百濟之衰南都泗泚所存  
疆土唯今公洪道忠清之右道及全羅道而已於此設五  
府其刀先久知即金溝古沙等三府當在今全羅之上  
道其後蘓定方滅百濟設五都督府其馬韓東明金  
連即金溝等三府皆在今全羅之界內也至總章二年  
李世勣既滅句麗與劉仁軌議置都督府以今羅州



之會津古縣為帶方州

李勣奏文云帶方州本竹軍城

領至留

本知

軍那

屈柰今咸平

徒山

本抽山亦名牢山今合于珍島

半那

半柰夫里即潘南古縣

竹軍

本豆肝即會津古縣

布賢

巴老彌

等六縣其餘無文可知總

隸安東都護府

即平壤

其後新羅擅取百濟古地詔以

劉仁軌為帶方州刺史移鎮南原以防新羅之西侵

尋亦撤還其地盡入新羅

臣謹按北史所載百濟五府其中府曰古沙城或

似今古阜郡

本古沙夫里

然彼既以恩津為東府金溝

為南府則古阜不得為中府也百濟五府蓋所以



衛其京邑若今廣州華城之制皆在扶餘之近畿  
今金羅南道羅州南原之等不在五府之界內也

○又按金富軾地志茂豐

今合于茂朱

雲峯皆本新羅

之舊縣於理似然但南原之得名帶方肇自劉仁  
軌之時而鄭志謂自漢末已為帶方語多不覈

宜刪正也

詳見帶方考

慶尚道本辰韓之地潢水逕其中

洛東江

南至咸安郡

北與清水合流

清州之清川

其在潢水之東者為辰韓十

二國魏志所載已祇國不斯國勤耆國難彌離國冉



奚國軍彌國如湛國戶路國州鮮國馬延國斯盧國

州 今慶優中國今左道之地也其在潢水清水之南者

即古弁辰之地東史謂之迦羅海 今金亦稱伽耶今咸安國

城亦謂之浦上八國川 泰原 熊其在潢水之西清水之

北者為弁辰別部所謂大伽耶今高靈古寧伽耶今咸昌

碧珍伽耶今星州之類是也弁辰本十二國魏志所載

彌離國接塗國古資國城 今固古淳是國半路國樂奴

國彌烏邪馬國甘路國狗邪國走漕馬國安邪國瀆

盧國南接 倭今右道之地也瀆 盧國 今巨濟三國史有押督



國

山 今慶

召文國

城 今義

骨大國

今屬永川亦

音汁伐國

慶州之安

伊西古國

道 今清

于尸山國

遠東

居漆山國

康古縣

皆今左道之地也又有甘文國

今開

夕伐國

遠

溪

比只國

遠草

草八國

今草

阿尸良國

今咸

沙伐梁

國

今尚

皆今右道之地也

譯言翻轉字音訛舛其實

押督甘文等國即魏志所載辰弁二十四國非別有

也其後辰弁二十四國盡為新羅所并其降附年紀

并詳新羅本紀可按而知也

臣

謹按金富軾地志今禮安奉化順興青松盈德



寧海清河及曲城古郡

今合于安東

皆稱本句麗郡縣

臣考其實蓋新羅炤智王三年元魏時句麗靺鞨

由竹嶺路入新羅北邊取孤鳴等七城又進軍彌

秩夫

今與海

所謂孤鳴等七城卽竹嶺之南數縣也

此時句麗雖得七城新羅未亡句麗何得之藉使

句麗一取而不失其本則新羅之故地也書之曰

本句麗郡縣可乎金志紕繆多此類也知句麗當

時必由竹嶺之路者當時三韓合從以禦句麗彼

若由江陵而來則新羅無所藉力於百濟也

當時丹陽



清風忠州之等已屬句麗故得由竹嶺也  
其由竹嶺  
百濟直侵忠州斷其後軍則兵可解也

嶺不旣明乎狐鳴諸城之為順興諸縣亦的然而

無疑也○又按金志云柰靈本百濟柰已郡

今榮川

此亦狐鳴七城之類也百濟當時南由竹嶺僅得  
榮川一縣旋復棄之還屬新羅何得云百濟古縣  
乎此必當改之文也

### 湏水辯

湏水者平壤之大同江也桑欽之經本無差謬而酈  
道元枉生起惑使後人別求他水



水經云涓水出樂浪鏤方縣東句南過於臨涓縣

東句入於海○酈注云許慎云涓水出鏤方東入

海一曰出涓水縣十三州志曰涓水縣在樂浪東

北鏤方縣在郡東蓋出其縣而逕鏤方也昔燕人

衛滿自涓水而至朝鮮元封二年楊僕荀彘討右

渠破渠於涓水遂滅之若涓水東流無渡涓之理

其地今高句麗之國治余訪蕃使言城在涓水之

陽其水西流逕故樂浪朝鮮縣即樂浪郡治而西

北流故地理志曰涓水西至增地縣入海又漢興



以朝鮮為遠循遼東故塞至涓水為界考之今古  
於事差謬蓋經誤證也○鑄按水經文例知涓水  
之經無誤也經曰泗水出魯卞縣北泗水出武都  
氐縣東汝水出梁縣沔鄉西濕餘水出上谷居庸  
關東若是者不可勝數涓水之頭一句即此文例  
也經曰沔水東逕武侯壘南泗水南過平陽縣西  
又南過高平縣西又南過方輿縣東濰水北過平  
昌縣東又北過高密縣西又北過淳于縣東若是  
者不可勝數涓水之次一句即此文例也經曰湘



水北至巴丘山入於江夏水東至雲杜縣入於沔

若是者不可勝數沔水之末一句即此文例也經

曰沔水南至枝江縣北句入於江經曰涇水出江

夏平春縣西本絕句南過安陸入於沔若是者尤其

文例之酷肖者也桑欽何嘗以沔水為東流哉今

平壤之大同江明出德川縣東出德川東北二百餘里狼林山即咸

興之界一小支出薛罕嶺南過於甌山縣東江西甌山本是一縣洪武中折其東

村別為江西縣入於海漢書所謂沔水西至增地入海者

此也雖其下流微近西南平壤以前本是南流直



云南流未為不可酈道元一反其師說乃謂之西  
流抑何以哉蕃使雖荒必無是言且衛滿荀彘本  
不渡大同江見下文執此跡而求此水將亦終年而  
不得矣○又按許慎說文亦似誤讀水經其失與  
酈氏同也

又史記朝鮮列傳所載湏水明以今鴨綠江謬指為  
湏水不當以時代之較先信此疑彼

史記朝鮮傳云全燕時嘗畧屬真番朝鮮為置吏  
等障塞

謂燕署長吏  
使治朝鮮

秦滅燕屬遼東外徼漢興為



其遠難守復修遼東故塞至涓水為界屬燕

正義云涓

水出遼東塞外南至樂浪縣西入海

又云滿東走出塞渡涓水居

秦故空地稍役屬真番朝鮮王之都王險○鑰案

燕與朝鮮畫涓為界若以大同江當此涓水豈復

有朝鮮乎王險者平壤也衛滿既渡大同自不得

復都平壤涓水之為鴨綠不既明乎○又按今人

或執此文又以巨流河

水大遼

為涓水尤大謬也漢

興復修遼東故塞則既渡遼矣既渡遼寧復得以

遼水為界乎遼河鴨水之間更無大水涓水者鴨



綠也○又按張守節所云樂浪縣者平壤也大同江在平壤之東張旣以湏水在樂浪縣西則亦以

鴨綠為湏水者

輿覽云司馬遷朝鮮列傳以鴨綠江為湏水

史記又云元封二年涉何誘諭右渠終不奉詔何

去至界上臨湏水使御刺殺裨王

送何者

即渡馳入

塞又云樓船將軍楊僕浮渤海左將軍荀彘出遼

東討右渠樓船將軍先至王險右渠擊樓船楊僕

失其衆遁山中十餘日復聚左將軍擊湏水西軍

○鑪案右渠宮城在湏水之西直臨湏水涉何安



得去至界而臨涓水又安得渡涓水而馳入塞乎  
涓水者鴨綠也○又按左將軍出遼東尚在鴨綠  
江西而楊僕敗於平壤逃自山中還出海口從檣  
島前洋西至窟窿山下在鳳城南  
二百里下陸與左將軍  
相會也若云涓水是大同何以解矣

史記又云衛山往諭右渠右渠遣太子方渡涓水  
疑左將軍詐殺之遂不渡涓水又云左將軍破涓  
水上軍乃前至城下圍其西北樓船亦往會居城  
南○鑄案衛滿出師軍於鴨綠江西北此所謂涓



水上軍也

前所云渭水西軍

既破此軍乃進軍圍平壤城

之西北也○又按皇華集以鴨綠江為渭水蓋從史記也

至班固撰地志始正史記之謬大同曰渭水鴨綠曰馬訾水

漢書地理志云渭水西至增地入海

渭水縣自注

又云

馬訾水西北入鹽難水西南至西安平入海

西蓋馬自

注

○通典云平壤城南臨渭水又云馬訾水一名

鴨綠水源出東北靺鞨白山經國內城南又西與



一水合即鹽難水也二水合流西南至安平城入

海○鑛案增地者今之甌山縣也

高麗時江西甌山合為一縣

鹽難水者今之婆豬江也

江修家

西安平者龍灣隔

水之地古縣名也白山者古之蓋馬山東人謂之

白頭山也

國內城見前

班固於朝鮮列傳純用史記之

文無所改正至撰地理志始別二水蓋其學術與  
桑欽淵源本同故其詳核勝前人也

嗣此以降史傳所記皆以大同為涓水無異論也

北史云高句麗都平壤城隨山屈曲南臨涓水

隋書



唐書

同 ○隋書云左翊衛大將軍來護兒帥江淮水

軍浮海先進入自涓水去平壤六十里與虜兵遇

○唐書云蘓定方破虜兵于涓江奪馬邑山遂圍

平壤○一統志云大通江在平壤城東舊名涓水

中有朝天石唐蘓定方破虜兵於涓水即此

董越朝鮮

賦云浮碧樓下瞰涓水

○金富軾云涓水大同江也何以知

之唐書云平壤城漢樂浪郡也隨山屈繚為郭南

涯涓水又志云登州東北海行南傍海壖過涓江

口楸島

在豐川

得新羅西北又隋煬帝東征詔曰滄



海道軍舟艫千里橫絕涓江遙造平壤以此言之  
今大同江為涓水明矣○鏞案三國史所稱涓水  
皆大同江也其文甚多今畧之

總之涓水有四其一其二前所論者是也其三遼東  
之蘄芋灤亦有涓水之名

一統志云清河源出蓋州衛分水嶺西南流經城  
南又西流合泥河入于海泥河一名涓水又曰蘄  
芋灤水多蘄芋之草

見遼東都司

○盛京志云淤泥河

在海城縣西南六十五里源出聖水山至迷真山



西散漫即遼之蘄芋灤非朝鮮涓江唐太宗陷馬

處河南係蓋平縣界

亦在蓋平北五十五里

○文獻備考云

臣謹按涓水乃在鴨江之北遼東之南○鏞案我

邦之振威縣有清淮又漣川縣謂之臨漳豈即為

淮水漳水乎名稱偶同不足辨也

灤音粕大陂也俗作泊

其四今平山之豬灘水亦於東史或冒涓水之名

鄭麟趾地志云豬淺一云涓江

見西海道平州下

○輿地

勝覽云輿義驛在牛峰西三十里古名臨涓

牛峰今金

川○鏞案涓水發源於遼安之彥真山直南流三



百餘里為碧瀾渡入於海

董越賦自注云  
瀾澗二十餘文

此與

涓水何干特以百濟溫祚王畫定疆域北至涓河  
而百濟之跡不及於中和黃州故欲蹙其道里以  
瀦水當之也然百濟之跡仍不及於金州松岳又  
將奈何溫祚所謂涓河者谷山之能成江也此水  
發源於陽德之弓羅鉢山西流至祥原郡北與大  
同江合流亦涓水之上流也溫祚王一至此水撫  
定遂安谷山新溪之民其往來之路本由朔寧伊  
川溫祚王何嘗北至於瀦水哉

輿覽以鴨大同瀦  
瀦為國中之三涓



水

白山譜

白山者東北諸山之祖也

山海經云大荒之中有山名曰不咸有肅慎氏之

國

有蜚蛭四翼有蟲數首蛇身名曰琴蟲有人名曰大人有大人之國釐姓泰食有大青蛇黃頭

食塵有榆山有

○後漢書云東沃沮在高句麗蓋

馬大山之東東濱大海北與挹婁接

魏志

○魏書

勿吉傳云國有徙太山魏言太白有虎豹熊狼不

害人人不同上山搜汗行逞山者皆以物盛去



北史勿吉傳云國有徒太山華言太白俗甚敬畏

之

餘與魏書同

○唐書黑水靺鞨傳云粟末部居最南

抵太白山亦曰徒太山與高麗接粟末之東曰白

山部○括地志云靺鞨古肅慎也其南有白山鳥

獸草木皆白○一統志云長白山在故會寧府南

六十里橫亘千里高二百里其顛有潭周八十里

南流為鴨綠江北流為混同江東流為阿也苦河

見女真山川

○盛京志云長白山即歌爾民商堅阿鄰

山

歌爾民長也商堅白也

其地在船廠東南千三百餘里山



巔不生他樹草多白花南麓蜿蜒磅礴分為兩幹

其一西南指者東界鴨綠江西界通加即佟家麓盡

處兩江會焉其一遶山西而北亘數百里見船廠山川

又云金大定中冊長白山神為興國靈應王明昌

中冊為開天弘聖帝脩袞冕於山北建廟末年廢

○輿地勝覽云白頭山在會寧府西三百里直甲山府

北三百三十里○鑛案白山凡有八名曰不成曰蓋馬曰

徒太曰白山曰太白曰長白曰白頭曰歌爾民商

堅古今方譯之殊也自我茂山府西南行二百里



乃折而北躋攀百餘里始至其顛

近世滄海居士  
鄭澗震澤老人

申光河沿至其  
顛得瞰大澤

其山本自蒙古界來其始入烏喇之界曰虎坤堆

虎坤堆在今烏喇西三百里其北曰勒克山其西  
支為黑兒蘓山有黑兒蘓邊門烏喇與蒙古相通  
之門也

其山又南為吉林峯

吉林峯在烏喇西南三百七十里即自盛京赴烏  
喇之大路也吉林大嶺為肅慎扶餘之界以東古



靺鞨七部之地也以西古夫餘鮮卑句麗之地也  
今吉林東西各有一站二站相去五十里自其西  
站至盛京四百五十里也

其山又東南為額黑峯

額黑峯在烏喇西南三百里此峯東北諸谷之水  
北走為易屯河北入于混同江東折處

其山又東南為庫魯訥窩集

方言巨山多樹  
林曰窩集

庫魯訥在烏喇南二百里其北一支北走為佛爾  
哈山即船廠之鎮山也又北一支北走為博屯山



金完顏婁室之墓在焉其東北衆谷之水皆入于  
混同江其西南衆谷之水皆西北流為黑龍蘓河  
又折為南流入于大遼河

其山又南為歌爾民朱敦

方言歌爾民者長也  
朱敦者嶺也

歌爾民者長嶺也在烏喇南五百里渤海之時設  
長嶺府於此山之西長嶺者粟末靺鞨西通扶餘  
之大路也

疑即天  
門嶺

其西一支西北走二百餘里又

西南走二百餘里為黃龍岡即北扶餘之鎮山也

今開  
原

又西一支西南馳五百里為天柱山即今盛



京之鎮山也又自天柱山西南馳三百里為鐵石堡即大遼河小遼河合襟之處也與牛庄縣隔水相望○長嶺西南衆谷之水西流三百餘里至開原縣南為清河西入于大遼水

其山又南為訥綠窩集

訥綠窩集在興京東北三百里其西一支西南走三百里為開運山○清肇祖興祖景祖顯祖葬焉合而名之曰永陵與興京隔水相望

興京在山東二十里又

自開運山西北馳七十餘里為鐵背山即蘓子河



訥綠河合襟之處也其城曰界蕃城即清太祖

肇基之地也

東人謂之者凡城

○其西南衆谷之水總為

二河南曰蘓子河北曰訥綠河至界蕃城西合流  
又西流為渾河又西南流二百餘里東與太子河  
合同入于大遼河○其東北衆谷之水東北流為  
輝發河西受庫魯訥諸谷之水同入于混同江  
其山又東南走三百餘里

納鴨綠南皆泰山鉅岳穹林大谷人跡之所不到  
通稱長白山其西一支西馳三百餘里為湖淪嶺



又西馳百餘里為興京又一支西南馳二百餘里

為分水嶺此所謂西蓋馬也

分水嶺與蓋馬大山東西並立故漢書謂

之西蓋馬

西馳馳五百餘里為遼東之摩天嶺又西北

走二百餘里為遼陽州未至遼陽南出一條西南

走五百餘里為金州旅順口遇海而止○摩天嶺

之南一支南馳二百餘里東地為鳳凰城又南馳

二百餘里至窟窿山遇海而止即我龍灣之西界

也

金州鳳凰城之間有杓子河等三四水皆南流

西蓋馬大支既走為遼

東諸山其南小支西南馳五百餘里至我龍灣之



西益州古城遇水而止即鴨綠叢河合襟之處也  
○西蓋馬以西諸谷之水西北流數百里過叢陽  
州北為太子河西流百餘里西與渾河為小遠水  
又西蓋馬西南諸谷之水合之為叢河西南流三百餘里經鳳凰城東又南流二百里東與鴨綠水合

其山又東南走三百餘里為白山上有大池

白山在烏喇南千三百里其西南一支為紅石礮  
子為歪頭礮子即古句麗九都城之鎮山也總四  
百餘里為珠魯木克善峯遇水而止即鴨綠婆豬  
兩水合襟之地也  
兩礮子以北衆谷之水皆入婆豬江其以南之水皆入鴨綠江



○其北一支北走為訥秦窩集不過二百餘里遇水而止訥秦左右萬壑千峯之水總於訥秦北合流此乃混同江之諸源也大池之水東北注東與溫泉水合流北注為混同江北大源也

自此北流四百餘里

西受輝發河又北注三百餘里運船廠東西受義河又北流逕烏喇西又北流二百餘里東受賀倫河又北流四百餘里西南受易屯河又北流四百餘里西北受諾尼江乃折而東北流五百餘里又東南流六百餘里南受虎兒哈河又東北流六百餘里入于黑龍江又東北流三百餘里南受烏蘆哩江又東北流一千五百餘里又東南折入于海出池入海總六千餘里

白山分南北二宗其北宗為靺鞨七部及大荒東界



其南宗為我朝鮮八道

凡在豆滿河鴨綠江之南者為南宗諸山其在豆滿河之北者為北宗也

北宗又分為三大支其走正北者為坎嶽東北者為艮嶽正東者為震嶽

坎嶽艮嶽震嶽之名前人不言今權立之名以便尋索

坎嶽之脈自白山北走四百餘里為勒福陳岡又北走二百里為額敦山又北走二百里為色齊窩集



色齊窩集在烏喇寧古塔之間東西各二百五十里可抵其城也山脊以西之水皆入於混同江以東之水南為三河北注于鏡泊北為四河南注于鏡泊又北流為虎兒哈河

坎嶽又北走二百里為賀淪窩集

賀淪之東一支東走三百里為寧古塔其西一支西北走六百餘里西出法忒哈邊門遇水而止即混同江東折之處也其在靺鞨七部為伯咄安車拂涅之故地也



坎嶽又東北走七百餘里為阿思漢窩集遇水而止  
遇水者混同江東南流至此南受虎兒哈河即兩  
水合襟之處黑水靺鞨此其巢窟也山脊以南之  
水皆入於虎兒河以北之水皆入於混同江東流處  
艮嶽之脈自勒福陳岡東北走四百里為馬兒虎力  
窩集

此窩集在寧古塔南百餘里其西一支北走為渤  
海上京金人因之其宮闕遺址在焉其東一支東  
南走四百餘里為豆滿河北諸山又東南走四百



餘里東遇河南遇海而止即我西水羅相望之地

也

其河名曰  
遂分河

艮嶽又東走百餘里為忒林窩集又東北走一千四百餘里遇水而止

遇水者黑龍江南受烏蘓哩江兩水合襟之處也其山脊以西之水皆入於虎兒哈河混同江以東之水皆入於烏蘓哩江

震嶽之脈自忒林窩集東南走三百餘里至興開湖北繞湖而南



興開湖者大陂也

自我慶興府東北距湖不過四百里

其周千里猶

昆崙之有星宿海也湖水東北注為松阿又河北入于烏蘓哩江○湖北一支東走四百餘里遇水而止即模稜河烏蘓江合流處也

震嶽又東南走五百餘里為啼喀塔山其南曰壺蘭峯直臨滄海之上

壺蘭峯自我西水羅海上東望七百里之地也山脊以西之水皆入於遂分河以東之水皆入於范

圖河



震嶽又東走三百餘里乃折而北直北走八百里為泥滿窩集又北走一千六百里至黑龍江南

烏蘓哩江以東皆震嶽之脈也大瀛以西黑水以東南西二千里南北三千里荒遠未顯不可詳述南宗自長白山南馳三百里為靈嶺

大池之東有溫泉水其上有穆克登定界之碑自碑而南為虛項嶺緩嶺緩以至靈嶺也

在甲山東  
百三十里

靈嶺之東一支東北馳五百餘里至西水羅遇海而止六鎮諸山皆受此脈古所謂北沃阻也



南宗又西南馳三百里為太白山業青西業又西南

二百餘里為黃草嶺成興西業

黃草嶺西一支西馳為薛罕嶺漢史所謂單單大

嶺也自此嶺分為三支第一支北走為廢四郡為

江界府第二支西走至義州為清北諸山清水古

第三支南馳為妙香山又南至于平壤為清南湏

北之諸山鴨綠江有三源其一出大池其二即太

又北流百餘里北受大池水西流為鴨綠水其三

出黃草嶺西北北流五百里至葛坡堡西入于鴨

江



南宗又南馳為五峯山

永興府西北百里

又西為鐵瓮城

孟山

縣東三十里

又東南為串餘嶺

文川郡西八十里

又南為分水嶺

淮陽府西五十里

五峯山以下西支西播為沮東七邑

即寧遠成川陽德孟山江

東三登殷山

其水皆入於沮江○串餘嶺之脈南馳為

高達山繞谷山府南又西為彥真山

遂安北三十里

西南

馳為黃海道諸山其一支自高達山南馳為華蓋

山為豬東三邑

即新溪鬼山金川

又南馳為華莊山又西

為松京○分水嶺之脈南馳為狼川之狼首山又



南為白雲山又南為光陵又西繞楊州之北又  
南為道峯又南為三角山以作漢陽

南宗又東馳為鐵嶺為楸池嶺為金剛山為雲岳為  
大關嶺

北自太白南至鐵嶺其東支為東沃沮諸山又自  
楸池南至大關其東為溟州道諸縣

今嶺東九邑

○雲

岳一支南馳為五臺山西馳為水晶山其北條為  
春川南條為原州洌東諸山皆此脉也

西為龍文山又西至

龍津遇水而止



南宗又南馳為太白山又西為小白山為竹嶺為鳥嶺又南馳為俗離山

太白山東一支東南馳為春陽之孤寂嶺三陟界又

東南為白巖山又南為八角山青松南又南馳數百

里為雲門山彥陽北乃北折為金鼇山為吐含山慶

州在其北焉潢東諸山皆此脉也○俗離山西一

支西北走為上黨山清州東又西北為獐項嶺竹山西

又西北為光教山華城北西南為顯隆園又西北

為修理山又西北至于通津遇海而止洌南諸山

皆此脉也。○獐項嶺南一支西南為聖居山稷山南

又南為車嶺又西為烏棲山保寧東又分為二條其

一西北至泰安其一西南至舒川泗泚河北內浦

諸山皆此脉也

南宗又南馳為秋風嶺為赤棠山為德裕山為靈鷲

山為智異山為金鰲山遇海而止

靈鷲山北一支西北為馬耳山長水西為珠華山龍潭

西為大苞山珍山西又北為鷄龍山至于公州西為

扶餘百濟之故都泗南八邑之山皆此脉也沃川懷德連山石城



等珠華之西一支西北為佛明山高山北又西為金

馬故京山今益西止于沃溝江南鴈北之山皆北脉

也鴈川出高山東西至沃溝南入于海○馬耳山西一支西馳為全

州又南馳為蘆嶺長城北又南馳為錦城山羅州北西

沿諸山皆北脉也扶安靈光至務安○蘆嶺之東一支東

馳為秋月山潭陽北又南為無等山光州東又南為馬

峙山寶城西為天冠山長興南遇海而止濕西諸山皆

北脉也濕水有二源其一出馬耳山其一出馬峙山至求禮南合流凡淳昌玉果谷城同幅

之等皆在濕西未及馬峙又一支西北走又分為二條北

者為雲興山南者為月出山為大范山潞南諸山

皆此脉也

潞水出秋月山逕羅州南為潞山

○馬

峙之東一支東北走為松廣山

順川之西北

又東為白

雲山

光陽北

遇水而止

即潞水

潞南四邑之山皆此脉

也

即光陽順天樂安興陽

○北自鳥嶺南至智異其東支皆

為潢西諸山

聞慶咸昌至咸陽晉州

智異之東一支又東馳

三百里為神魚山為金官鎮山遇海而止即潢水

入海處也并辰浦上八國皆此山脉也

惟是蓋馬之名指證各殊迄未論定



隋煬帝伐句麗詔云左十二軍出蓋馬等道會于

鴨綠水西

通鑑註云蓋馬屬玄菟郡有蓋馬大山

訾水則蓋馬山疑在鴨綠江外西北之界

○一統志云蓋馬大山在平

壤城西其東即古東沃沮國地

輿覽云句麗盛時跨有遼河北山在

其境內故一統志以平壤為句麗舊都因而載之耳

○高麗林彥九城記云

東至于海南至于長定二州

今咸興永平

西北介于蓋

馬山

輿覽云九城今屬咸鏡其西北係女真地面非平壤之境矣

○鏞案隋詔

取漢書地志郡縣之名任作夸耀之語不足引據

已見樂浪考

又西蓋馬者今長嶺之南分水嶺也夫惟



有東蓋馬而後方得有西蓋馬先儒混而言之不

亦謬乎

今婆豬江出於西蓋馬亦為馬訾水之一源故漢書自註如彼

一統志蓋

據後漢書之誤註也范曄謂東沃沮在蓋馬之東而註者以西蓋馬為蓋馬故謂在平壤城西然且以九都為平壤非王險也

西蓋馬正在九都西北

林彥九城

之記明以白頭為蓋馬其綜核如此而輿覽猶不

開悟

白山者東方之昆侖也虎坤堆末必為來脉

大瀛之內山脉無不相連白山之脉亦必與昆侖



連也雖然其必以昆侖戴之為祖而白山壓之為  
孫非正理也大地全體圓圖團圓本無高下開闢  
之初水漱土削堅者為山其受削者為谷未必有  
匠作大師西起昆侖東至白山如蒙恬築城之為  
也然且水勢惟其所到之處流於卑而已上流未  
必高下流未必卑則先儒謂地不滿東南亦未核  
之論也水勢既然山脉亦豈必以西為祖乎白山  
者東方之昆侖七寶金剛為閭風縣圃與開湖為  
星宿海儼一昆侖以此言之虎坤堆者白山之北



一支白山不自虎坤堆来也







